

tivo anual antes do un de decembro de cada ano, xunto cos prezos e comisións dos cales deriven os seus ingresos, así como as ulteriores modificacións que introduzan nese orzamento, prezos e comisións. A Comisión Nacional do Mercado de Valores poderá solicitar da Sociedade de Sistemas a oportuna ampliación da documentación e datos en que se basea a fixación dos seus prezos e comisións.

4. A Sociedade de Sistemas deberá someter as súas contas anuais a aprobación, logo da súa auditoría nos termos que establece o artigo 86 da Lei do mercado de valores. O informe de auditoría deberá ser remitido á Comisión Nacional do Mercado de Valores para o seu exame, que poderá dirixir á Sociedade de Sistemas as recomendacións que estime pertinentes sen prexuízo das demais facultades que lles corresponden de acordo coa lexislación vixente.»

Nove. Dáselle a seguinte redacción ao punto 1 do artigo 76:

«1. Poderán adquirir a condición de entidade adherida en cada un dos sistemas xestionados pola Sociedade de Sistemas os membros dos mercados secundarios oficiais, nos casos e de acordo cos termos previstos no regulamento da Sociedade de Sistemas.»

Dez. Dáselle a seguinte redacción á primeira alínea do punto 2 do artigo 76:

«2. Tamén poderán adquirir a condición de entidade adherida, nos casos e de acordo cos termos previstos no regulamento da Sociedade de Sistemas.»

Once. Dáselle a seguinte redacción ao artigo 77:

«Para que unha entidade poida acceder á condición de entidade adherida aos sistemas xestionados pola Sociedade de Sistemas, deberá contar co nivel de recursos propios e os sistemas de control e medios técnicos necesarios para atender as funcións que se propoñan desenvolver. Estes extremos serán detallados no regulamento da Sociedade de Sistemas, que poderá prever un trato diferenciado para os membros das bolsas de valores e para as diversas entidades recollidas no artigo 76 do presente real decreto. O ministro de Economía e Facenda ou, coa súa habilitación expresa, a Comisión Nacional do Mercado de Valores poderán determinar os requisitos especificamente exixibles para o efecto.»

Doce. Dáselle a seguinte redacción ao punto 1 do artigo 78:

«As entidades interesadas deberán manifestar á Sociedade de Sistemas a súa vontade de acceder á condición de entidade adherida aos sistemas xestionados pola citada sociedade. No prazo de dous meses, esta última remitirá á Comisión Nacional do Mercado de Valores un informe relativo ao cumprimento polas entidades solicitantes dos requisitos exixidos para o efecto polo regulamento da Sociedade de Sistemas.»

Trece. Derrógase a letra b) do punto 1 do artigo 79.

Disposición derogatoria única. Derogación normativa.

Quedan derogadas cantas normas de igual ou inferior rango se o poñan ao establecido neste real decreto.

Disposición derradeira primeira. Títulos competenciais.

O presente real decreto dítase ao abeiro dos títulos competenciais previstos no artigo 149.1, 6.^a, 11.^a e 13.^a da Constitución.

Disposición derradeira segunda. Entrada en vigor.

O presente real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 16 de marzo de 2007.

JUAN CARLOS R.

O vicepresidente segundo do Goberno
e ministro de Economía e Facenda,

PEDRO SOLBES MIRA

5679 *REAL DECRETO 364/2007, do 16 de marzo, polo que se modifica o Real decreto 685/1982, do 17 de marzo, polo que se desenvolven determinados aspectos da Lei 2/1981, do 25 de marzo, de regulación do mercado hipotecario, o Real decreto 1343/1992, do 6 de novembro, de desenvolvemento da Lei 13/1992, do 1 de xuño, de recursos propios e supervisión en base consolidada das entidades financeiras, o Real decreto 867/2001, do 20 de xullo, sobre o réxime xurídico das empresas de servizos de investimento, e o Real decreto 1333/2005, do 11 de novembro, polo que se desenvolve a Lei 24/1988, do 28 de xullo, do mercado de valores, en materia de abuso de mercado. («BOE» 66, do 17-3-2007.)*

O presente real decreto está integrado por modificacións puntuais de catro reais decretos do ámbito financeiro. A finalidade destas modificacións é diversa. Así, por un lado, respecto ás cédulas de xuro variable, suprimese o límite superior á variación do tipo de xuro que teñen establecido. Esta limitación perdeu sentido xa que os créditos que forman a cobertura deste tipo de cédulas pasaron de ser de xuro fixo a selo de xuro variable. Por outro lado, aclárase o alcance dunha recente modificación da lista dos activos nos cales se materializan os recursos propios das entidades de crédito e dos seus grupos consolidables. Así mesmo, modifícase o réxime de solvencia das sociedades xestoras de carteira, con obxecto de equiparar o réxime de solvencia destas sociedades ao resto de empresas de servizos de investimento (sociedades e axencias de valores). Co fin de que as sociedades xestoras de carteiras se poidan adaptar a estas novas exixencias, a entrada en vigor destas modificacións difírese dous meses respecto ao resto do real decreto. Por último, ampliase o ámbito das persoas vinculadas aos administradores e directivos dun emisor que están obrigadas a comunicar as transaccións que realicen con valores do citado emisor. Con iso perséguese unha incorporación máis fiel do réxime comunitario de abuso de mercado ao dereito español. Por razóns de economía procesual considerouse conveniente tramitar de maneira conxunta as modificacións dos catro reais decretos afectados nunha soa norma.

Este real decreto dítase ao abeiro de diversas habilitacións, como son as contidas na disposición derradeira segunda da Lei 13/1992, do 1 de xuño, de recursos propios e de supervisión en base consolidada das entidades financeiras; o artigo 63.5 e a disposición derradeira segunda da Lei 24/1988, do 28 de xullo, do mercado de

valores; e a disposición adicional segunda da Lei 2/1981, do 25 de marzo, de regulación do mercado hipotecario.

Na súa virtude, por proposta do ministro de Economía e Facenda, de acordo co Consello de Estado e logo de deliberación do Consello de Ministros na súa reunión do día 16 de marzo de 2007,

DISPONGO:

Artigo primeiro. *Modificación do Real decreto 685/1982, do 17 de marzo, polo que se desenvolven determinados aspectos da Lei 2/1981, do 25 de marzo, de regulación do mercado hipotecario.*

Suprímese a letra c) do artigo 47.4 do Real decreto 685/1982, do 17 de marzo, polo que se desenvolven determinados aspectos da Lei 2/1981, do 25 de marzo, de regulación do mercado hipotecario.

Artigo segundo. *Modificación do Real decreto 1343/1992, do 6 de novembro, de desenvolvemento da Lei 13/1992, do 1 de xuño, de recursos propios e supervisión en base consolidada das entidades financeiras.*

Modifícase o Real decreto 1343/1992, do 6 de novembro, de desenvolvemento da Lei 13/1992, do 1 de xuño, de recursos propios e supervisión en base consolidada das entidades financeiras, nos seguintes termos:

Un. Introdúcese o parágrafo segundo da letra b) do punto 1 do artigo 20 coa seguinte redacción:

«Ao peche do exercicio e até que teña lugar a aplicación de resultados, as entidades de crédito poderán incorporar a este elemento a parte dos resultados do exercicio que se prevexa aplicar a reservas, sempre que:

a) Exista unha decisión formal de aplicación de resultados do órgano de administración da entidade;

b) As contas en que se reflictan tales resultados fosen verificadas con informe favorable polos auditores externos da entidade, e

c) Se acredite, á satisfacción do Banco de España, que a parte que se vaia incorporar está libre de toda carga previsible, en especial por gravames impositivos, por dividendos, ou por dotacións á obra benéfico-social das caixas de aforro e aos fondos sociais das cooperativas de crédito.»

Dous. Engádesse unha disposición adicional cuarta coa seguinte redacción:

«Disposición adicional cuarta. *Inclusión das sociedades xestoras de carteira no réxime de solvencia.*

Toda referencia feita no presente real decreto e nas súas normas de desenvolvemento ás sociedades e axencias de valores deberá entenderse realizada ás empresas de servizos de investimento definidas no artigo 64 da Lei 24/1988, do 28 de xullo, do mercado de valores.»

Artigo terceiro. *Modificación do Real decreto 867/2001, do 20 de xullo, sobre o réxime xurídico das empresas de servizos de investimento.*

Modifícase o punto 2 do artigo 15 do Real decreto 867/2001, do 20 de xullo, sobre o réxime xurídico das empresas de servizos de investimento, que pasará a ter a seguinte redacción:

«2. Cando unha empresa de servizos de investimento realice, conforme o previsto no seu programa de actividades, o servizo de xestión discrecional de

carteiras, os seus recursos propios computables non poderán ser, en ningún momento, inferiores ao 5 por mil do volume da carteira xestionada.»

Artigo cuarto. *Modificación do Real decreto 1333/2005, do 11 de novembro, polo que se desenvolve a Lei 24/1988, do 28 de xullo, do mercado de valores, en materia de abuso de mercado.*

Modifícase a letra d) do punto terceiro do artigo 9 do Real decreto 1333/2005, do 11 de novembro, polo que se desenvolve a Lei 24/1988, do 28 de xullo, do mercado de valores, en materia de abuso de mercado, que pasará a ter a seguinte redacción:

«d) Calquera persoa xurídica ou calquera negocio xurídico fiduciario en que os administradores ou directivos ou as persoas sinaladas nos parágrafos anteriores sexan directivos ou administradores; ou que estea directa ou indirectamente controlado por algún dos anteriores; ou que se crease para o seu beneficio; ou cuxos intereses económicos sexan en gran medida equivalentes aos dos anteriores.»

Disposición derogatoria única. *Derrogación normativa.*

Quedan derogadas cantas normas de igual ou inferior rango se o poñan ao establecido neste real decreto.

Disposición derradeira primeira. *Títulos competenciais.*

O presente real decreto dítase ao abeiro dos títulos competenciais previstos no artigo 149.1, 6.^a, 11.^a e 13.^a da Constitución.

Disposición derradeira segunda. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado», salvo o disposto no punto dous do artigo segundo e no artigo terceiro, que entrará en vigor dous meses despois da citada data.

Dado en Madrid o 16 de marzo de 2007.

JUAN CARLOS R.

O vicepresidente segundo do Goberno
e ministro de Economía e Facenda,
PEDRO SOLBES MIRA

MINISTERIO DE TRABAJO E ASUNTOS SOCIAIS

5742 *REAL DECRETO 306/2007, do 2 de marzo, polo que se actualizan as contías das sancións establecidas no texto refundido da Lei sobre infraccións e sancións na orde social, aprobado polo Real decreto legislativo 5/2000, do 4 de agosto. («BOE» 67, do 19-3-2007.)*

A disposición adicional primeira do texto refundido da Lei sobre infraccións e sancións na orde social, aprobado polo Real decreto legislativo 5/2000, do 4 de agosto, auto-